

बच्चन के ले बाइबिल  
देत है



परमेश्वर घाई से  
पठौ गौ एकु  
आदमी



द्वारा लिखत: Edward Hughes

द्वारा चित्र: Byron Unger; Lazarus  
Alastair Paterson

द्वारा अनुकूल: E. Frischbutter; Sarah S.

द्वारा अनुवाद करो गयो:

द्वारा बनाओ: Bible for Children  
[www.M1914.org](http://www.M1914.org)

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।



एक दिन जकर्याह नाउ को, एकु बूढो याजक, परमेश्वर के मंदिर मा,  
धूप जराउति हतो। बहिरारि, लोग दुआ करि रहे हते। एकदम,  
जकर्याह डराई के काँपन लगो।



एकु स्वर्गदूत आओ। अउरु बाने कही, “डराउ ना।” “परमेश्वर ने हमइ पठौ हइ। तुमारी दुलहिन के एकु लड़िका हुइही। बाको नाउ यूहन्ना रखिअउ। बउ पइदा होतई पवित्र आत्मा से भरि जइही। बउ बहुतन कौ परमेश्वर के तीर लइही।”



“हमसे बातइं करउ, जकर्याह बोलउ ता।”  
बहिरारि लोग जानन के लै ब्याकुल हते।  
बइ नाइ जांत हते कि जिब्रायल स्वर्गदूत  
ने कही हती, कि परमेश्वर की खबरि पर  
भरोसो नाइ करन की बजह से, जकर्याह  
बच्चा के पइदा होन तक बात नाइ करि  
पइई। बाने सोची हती कि बाकी  
दुलहिन बच्चा पइदा  
कन्न के लै बहुतु जादा

बूढी हइ।



घर मा, जकर्याह ने बउ सब लिखो जो  
बाई स्वर्गदूत ने बताओ हतो। बाकी  
दुलहिन इलीशिवा बहुतु अचंम्भित हती।  
अउरु बइ लोग हमेशा एक बच्चा के लै दुआ  
कत्त हते। का जउ अब हुइही सकति हइ?





तुरंतइ इलीशिबा कौ  
मालुम हुइ गइ कि  
बाके पेट मा बच्चा हई।  
बाने परमेश्वर की  
प्रशंशा करी। एक  
दिन, इलीशिबा की  
चच्चा की लड़िकिनी  
मरियम बाके तीर  
घूमन के लै आई।  
मरियमउ एक बच्चा के  
लै आश लगाए हती।





जइसेइ मरियम पहुंची,  
इलीशिबा कौ लगो कि  
बाके पेट मा बच्चा कूदो  
हइ। इलीशिबा तुरंत  
पवित्र आत्मा से भरि  
गइ। बा जानि गइ कि  
मरियम को लड़िकइ  
प्रभु यीशु मसीह हुइही।  
दोनउ अउरतइं खुशी से  
भरि गइं अउरु परमेश्वर  
की बड़ाई कन्न लगीं।







परमेश्वर के बाइदा के अनुसार  
इलीशिवा के बच्चा पइदा भौ। दुसरे  
याजकन ने कही, “बाके बापई की  
तरह, बाउ कौ जकर्याह के नाउ से  
बुलाबउ।” जकर्याह ने परमेश्वर की  
दइ आज्ञा कौ यादि रखो। “नाइ। बच्चा  
को नाउ यूहन्ना हइ।” जइसेइ जकर्याह  
ने उन शब्दन कौ लिखो, तइसेइ  
बउ बोलन लगौ। फिर बउ  
परमेश्वर की बड़ाई  
कन्न लगौ।



जब यूहन्ना बड़ो भौ तब बउ एलिय्याह के जइसे परमेश्वर के महान आदमी की तरह हुइही गौ। यूहन्ना, ने लोगन कौ बताओ कि उनई आशीर्वाद देन के लै मसीहा जल्दी ही आई रहे हंइ। यहूदी अगुवा यूहन्ना से नफरत कत्त हते, क्योंकि बाने उनसे कही हती कि, “मनु फिरावउ। अउरु पाप करिबो बंद करि देउ।” बइ अपने पापन के बारे मा सुनिबो नाइ चांहत हते।



लोग बाई यूहन्ना बप्तिस्मा देन बाले के नाउ से बुलाउत हते क्योंकि बइ लोगन कौ जा दिखाउन के लै उनइ बइ पानी मा डुबकी को बप्तिस्मा देत हते कि बइ लोग अपने पापन की क्षमा चांहत हंइ। एक दिन, यीशु बप्तिस्मा लेन के लै यूहन्ना के तीर आये। “तुमइ तउ हमइ बप्तिस्मा देनो चहिए,” यूहन्ना ने विरोधु करो। लेकिन यीशु ने कही, “अइसोइ होन देउ।” अउरु उन्ने यूहन्ना से बप्तिस्मा लइ लौ।



यीशु के बप्तिस्मा लेन के बादि, यूहन्ना ने पवित्र आत्मा कौ एक कबूतर के जइसे यीशु के ऊपर आउत भै देखो। जउ परमेश्वर को एकु चिन्नु हतो। यूहन्ना जान्त हते कि यीशु परमेश्वर के लड़िका हंइ। यूहन्ना ने यीशु कौ दुनियाँ के पापन कौ हरन बालो मेमना कहो।




यूहन्ना बहुतेरे लोगन कौ परमेश्वर के तीर लाये। लेकिन हेरोदेस, एक दुष्ट शासक हतो, बाने यूहन्ना कौ जेलि मा डरवाइ दौ। यूहन्ना ने

हेरोदेस कौ चिताई दौ कि,  
“हेरोदियास का जो तुमारे भाई  
की दुलहिन हइ बाई अपनी  
दुलहिन बनाई के रखिबो एक  
पाप हइ।” हेरोदेस जा ठीक  
ठीक जान्तु हतो। यूहन्ना  
परमेश्वर को सेवक हइ, एक  
धर्मी अउरु पवित्र आदमी हइ।  
लेकिन बउ पाप करिबो नाइ  
बंद करिबो चांहति हतो।  
अउरु यूहन्ना पाप के बिरोध मा  
उपदेश दीबो बंद करिबो नाइ  
चांहति हतो, भलेइ जेल हुइही जाई।



हेरोदेस ने अपने जन्म दिन पर एक बड़े न्योता कन्न की सोची। अउर हेरोदियास की लड़िकिनी बाके ले नाची। अउर जउ हेरोदेस कौ बहुतु बढ़िया लगौ। अउर बाने कही “जो कुछु तुम चांहउ मांगि लेउ,” बाने बाइदा करो। “हिंआ तक कि मेरो आधो राज्य भी लई लेउ।”





“हम का मांगि सकत  
हंड?” लड़िकिनी अचम्भे  
मा परि गई। बाकी  
मक्कार अम्मा हेरोदियास,  
जो यूहन्ना से नफ़रत  
कत्ति हती। अउरु बाने  
सिखाओ कि तुमइ जो  
मांगिबे हइ। बउ बहुतु  
खतरनाक हइ।



बा लड़िकिनी ने हेरोदेस से कही,  
“यूहन्ना बप्तिस्मा देन बाले को मूड  
कटबाई के हमइ एक थरिया मा धरिके  
देउ।” बउ अपने बाइदा के लै बहुतु  
दुखी हतो, लेकिन बहुतु जादा घमण्डी  
होन की बजह से बाइदा नाइ तोरो।  
हेरोदेस ने सैनिकन कौ हुकुम दौ कि,  
“यूहन्ना को मूड काटि के मेरे  
तीर लइ आवउ।” सैनिकन ने  
बाके हुकुम  
को पालनु  
करो।





दुःख की बात जा हइ कि  
यूहन्ना के दोस्तन ने  
परमेश्वर के बहादुर अउरु  
बफादार सेवक की देह कौ  
दफ़न करि दौ। परमेश्वर के  
लै यूहन्ना को कामु अब  
खतम हुइही चुको हतो।  
शायद बइ जान्त हते कि  
यीशु उनके दुःख मा उनइ  
शान्ति दर्ई सकत हई।



परमेश्वर घाई से पठौ गौ एकु आदमी  
परमेश्वर के वच्चन से बाइबिल की एक कहानी  
में पायी जाती है

मरकुस 6, लूका 1, 3

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः  
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

